

Ектенія малая.

Свят Господь Бог наш: во глас 1.

Светилен осмогласника, 2-й:

Камень узрѣвша отвалѣн, мироносицы радовахуся, видѣша бо юношу седяща во гробѣ, и той тем рече: се, Христос восталъ есть, рцыте с Петромъ ученикомъ; на гору приспейте Галилейскую, тамо вам явится, якоже предрече другомъ.

Слава, святыхъ:

Подобен: Небо звездами:

В пѣсняхъ восхвалимъ светила незаходящая Россійския земли, тайнники Божественнаго Слова, Христа славяще, сихъ просветившаго и возлюбившаго и помощники намъ давшего в скорби.

И ныне, Богородичен:

Светомъ Лица Твоего огнезрачнаго страну Русскую озаривъ, Господи, и ныне во святыхъ Твоихъ, яко в лучахъ неизчетныхъ, не престай озаряти насъ премудростию Твоею, яже есть Софія Преименитая.

На хвалитехъ, Всякое дыханіе: во глас 1. И поемъ стихиры воскресны 4.

Стихъ: Сотворити в нихъ судъ написанъ, / слава сия будетъ всемъ преподобнымъ Его.

Поёмъ Твою, Христѣ, спасительную страсть // и славимъ Твое Воскресѣніе.

Стихъ: Хвалите Бога во святыхъ Его, / хвалите Его во утверженіи силы Его.

Крестъ претерпѣвый, и смерть упразднѣвый, / и воскресый изъ мертвыхъ, / умири нашу жизнь, Господи, // яко единъ Всесиленъ.

Стихъ: Хвалите Его на силахъ Его, / хвалите Его по множеству величества Его.

Ада пленѣвый и человека воскресѣвый / Воскресѣніемъ Твоимъ, Христѣ, / сподоби насъ чистымъ сердцемъ, // Тебѣ пѣти и славити.

Стихъ: Хвалите Его во гласѣ трубнемъ, / хвалите Его во псалтири и гуслехъ.

Боголѣпное Твое снисхождѣние славяще, / поѣм Тя, Христѣ. / Родился еси от Дѣвы, / и не разлучен был еси от Отца, / пострадал еси, яко Человѣк, / и волю претерпел еси Крест, / воскресл еси от Грѣба, / яко от чертога произшед, // да спасеши мир, Господи, слава Тебѣ.

Таже стихиры святых, глас 5.

Подобен: Радуйся:

Стих: Хвалите Его в тимпане и лице, / хвалите Его во струнах и органе.

Радуйся, Церковь Россійская верная, / радуйся, княже благовѣрный Владиміре преславный, / радуйся, Ольго избранная! / Вы бо есте ко Владыце всех / первейшии наши ходатаи, / и начальницы Православия, / и наставницы ко истинней вере. / Радуйся, всяко мѣсто, и страна, и град, / гражданы воспитавши Небѣснаго Царствія, / сии святая светила душам нашим явѣшася, / сии чудес зарѣю, и дѣлы, и знамении просияша мысленно во вся концы / и ныне Христу молятся // подати душам нашим велию милость.

Стих: Хвалите Его в кимвалех dobroгласных, хвалите Его в кимвалех восклицанія; / всякое дыханіе да хвалит Господа.

Радуйтесь, земли Русскія украшеніе, / Церкви наша непоколебимое утверждѣние, / славо православных, / чудес истѣчницы, / любве струи неистошима, / светильницы многосветли, / Духа Святаго органи, / кротцыи и незлобиви, / добродѣтелями украшенни, / человецы небесни, земнии ангели, / Христа друзи искренни! / Того прилежно молитѣ // подати вас чтущим велию милость.

Стих: Бог нам прибежище и сила, / Помощник в скорбех, обрѣтших ны зело.

Приидите, Небеснии предстателие наши, к нам, / вашего требующим милостивнаго посещенія, / и избавите озлобленныя мучительскими прещеніи / лютаго неистовства неверных, / от нихже, яко пленницы и нази, гонимы есмы, /

от мѣста на мѣсто часто преходяще/ и заблуждающе в вертѣпех и горах./ Ущѣдрите ўбо, прехвальные,/ и даруйте нам ослабу,/ утолите бѹрю/ и угасите ѣже на ны негодование,/ Бѹга моляще, // подающаго ва́ми земли на́шей велию мѣлость.

Глас 4.

Стих: Господь сил с нами,/ Застѹпник наш Бог Иа́ковль.

Глас Евангельский услышавше/ и апѹстольскою ревностию распалившися,/ в научѣние неверных языков устремистесь,/ богоблаженный равноапѹстольнии/ Кѹкше, Леѹнтие, Стефане и Гѹрие,/ Германе Аляскинский, и святителю ѹтче Николае Японский,/ и досточѹдный Иннокѣнтие,/ великия Сибѣрския страны апѹстоле/ и просвѣщѣния за морем сѹщих новых стран во Америкѣ первоначальниче./ Тѣмже со всеми прочими,/ во благовѣстии Христѹве потрудившимися, // достойно ублажаетесь.

Слава, стихира евангельская, глас 2:

С мѣры пришедшим яже с Марѣею жена́м/ и недоумевающимся,/ како бѹдет им улѹчить желанье,/ явѣся камень взят,/ и Божественный юноша, утоляя мятѣж душ их:/ востѹ бо, глаголет, Исѹс Господь./ Тѣмже проповѣдите проповѣдником Егѹ, / учеником, в Галилею тещѣ/ и видети Егѹ воскресша из мѣртвых, // я́ко Жизнода́вца и Го́спода.

И ныне, глас тойже:

Преблагословѣнна еси, Богородице Дѣво, / воплощшим бо ся из Тебѣ ад пленѣся, / Адам воззвася, / клятва потребѣся, / Ева свободѣся, / смерть умертвѣся и мы ожѣхом, / тем воспевающе вопиѣм: / благословѣн Христѹс Бог, // благоволивый тако, слава Тебѣ.

Славословие великое.

По славословии тропарь воскресен точио: Днесь спасѣние мѣру бысть: Ектении и отпуст.

На часех тропарь воскресен. Слава: святым, И ныне: Богородичен часа. Кондак воскресен и кондак святых прменяюще глаголем.



НА БОЖЕСТВЕННОЙ ЛИТУРГИИ

Антифоны изобразительные.

Блаженны воскресны 1-го гласа на 6:

Блажéни крóтцыи,/ я́ко тии насле́дят зéмлю.

Сне́дию изведе́ из ра́я враг Ада́ма,/ Кресто́м же разбо́йника
введе́ Христóс вонь,/ помяни́ мя, зову́ща, // егда́ приидеши
во Ца́рствии Твоём.

Блажéни а́лчущии и жа́ждущии пра́вды,/ я́ко тии насы́тятся.

Покла́няюся Страсте́м Твои́м,/ славосло́влю и Воскресе́ние/
со Ада́мом и разбо́йником,/ со гла́сом све́тлым вопию́ Ти:/ по-
мяни́ мя, Го́споди, // егда́ приидеши во Ца́рствии Твоём.

На 8: Блажéни ми́лостивии,/ я́ко тии поми́ловали бу́дут.

Распя́лся еси́, Безгре́шне,/ и во Грóбе положи́лся еси́ во́лею,/
но воскрeсл еси́, я́ко Бог,/ совоздвигну́вый Себе́ Ада́ма,/ по-
мяни́ мя, зову́ща, // егда́ приидеши во Ца́рствии Твоём.

Блажéни чи́стии се́рдцем,/ я́ко тии Бо́га у́зрят.

Храм Твой телéсный/ триднёвным воскрeсivый погребéни-
ем,/ со Ада́мом и и́же от Ада́ма/ воскрeсил еси́, Христé Бо́же;/
помяни́ нас, зову́щих, // егда́ приидеши во Ца́рствии Твоём.

Блажéни миротвóрцы,/ я́ко тии сы́нове Бо́жии нареку́тся.

Миронóсицы приидóша, пла́чуща, на Гроб Твой, Христé
Бо́же, зело́ ра́но/ и в бе́лых ри́зах обрето́ша Ангела седя́ща:/
что и́щите? зову́ща. // Воскрeсе Христóс, не рыда́йте прóчее.

Блажéни изгна́ни пра́вды ра́ди,/ я́ко тех есть Ца́рство Небе́сное.

Апóстоли Твой, Го́споди,/ на го́ру, а́може повелéл еси́ им,
прише́дше, Спа́се,/ и Тя ви́девше, поклони́шася, // ихже и посла́л
еси́ во язы́ки учи́ти и крестíti я.

Блаженны святых, глас 8:

На 4: Блажéни естé, егда понóсят вам,/ и ижденúт, и рекúт всяк зол глабóл, на вы лжúще Менé рáди.

Не мечém нáшим зéмлю нáшу наслéдихом,/ но деснícею Твоéю и мýшцею Твоéю,/ и просвещéнием Лицá Твоегó,/ и святýх Твои́х слезáми,/ пóдвиги и пóты, кровью́ и учéнии// отéчество нáше утверд́ся.

Рáдуйтеся и веселитесь,/ я́ко мзда вáша мно́га на Небесéх.

Егда́ отступíхом от Тебé/ и зáповеди Твоя́ преступíхом,/ тогда́ отрíнул еси́ ны и низложíл еси́ ны,/ и пáче всех язык умáлихомся,/ но пощадí нас, Бóже, Спасítелю наш,// святýх Твои́х мольбáми.

Слава, Трои́чен: О, Трóице Пребожéственная,/ уврачу́й болéзни и скóрби нáша,/ воздвígни дух наш от лéности и сна грехóвнаго,/ да достóйни бúдем отéц и брáтий нáших,/ пóдвиги сво́ими// в земл́и нашей íмя Твоé прослáвльших.

И ныне, Богородичен: Расточéнныя соберí,/ отлучéнныя возвратí,/ отпáдшия от вéры Правослáвныя обратí,/ пла́чущия и скорб́ящия утéши,/ земл́и нáшея подвígшияся сокрушéние исцели́, Благодáтная,/ со святýми соóтчичи нáшими// Бóга о нас умоля́ющи.

Входное: Приидíte, поклонímся: Спасí ны Сы́не Бóжий, воскресýй из мертвýх:

Тропарь воскресен, глас 1:

Кáмени запечáтану от иудéй/ и во́ином стрегúщим Пречíстное Тéло Твоé,/ воскресл еси́ триднéвный, Спа́се,/ дáруяй мíрови жизнь./ Сегó рáди Сíлы Небéсныя вопия́ху Ти, Жизнодáвче:/ слáва Воскресéнию Твоемú, Христé,/ слáва Цáрствию Твоемú,// слáва смотре́нию Твоемú, Едíне Человеколю́бче.

И святых оба тропаря.

Глас 8:

Якоже плод крáсный Твоегó спасítельнаго сéяния,/ земл́я Россíйская принóсит Ти, Гóсподи,/ вся святýя, в той просия́вшия./ Тех молítвами в мíре глубóце// Цéрковь и странú нáшу Богорóдицею соблюди́, Многомíлостиве.

Глас 4:

Иерусалима Вышняго гражданы,/ от земли нашея возсиявша/ и Богу во всяцем чину и всяким подвигом угодивши,/ приидите, воспойм, вернии:/ о, всеблаженнии земли Российския заступницы,/ молитесь ко Господу,/ да помилует сию от гнева Своего,/ исцеляя сокрушение ея,// и верныя люди Своя утешит.

Кондак воскресен, глас 1:

Воскресл еси, яко Бог, из Гроба во славе/ и мир совоскресил еси,/ и естество человеческое яко Бога воспеваёт Тя, и смерть исчезёт;/ Адам же ликуёт, Владыко,/ Ева ныне, от уз избавляема, радуется, зовущи:// Ты еси Иже всем подаё, Христе, Воскресение.

Слава, кондак святых, глас 3:

Подобен: Дева днесь:

Днесь лик святых, в земли нашей Богу угодивших, предстоит в Церкви/ и невидимо за ны молится Богу./ Ангели с ним славословят,/ и вси святии Церкви Христовы ему спразднуют,/ о нас бо молят вси купно// Превечнаго Бога.

И ныне, кондак храма Богородицы
или Успения Богородицы, глас 2:

В молитвах неусыпающую Богородицу/ и в предстательствах непреложное упование/ гроб и умерщвление не удержаста:/ якоже бо Живота Матерь/ к животу престави// во утробу Вселивыйся Приснодественную.

Таже, Трисвятое.

Прокимен воскресный, глас 1: Буди, Господи, милость Твоя на нас,/ якоже уповахом на Тя.

Стих: Радуйтесь праведнии о Господе, правым подобает похвала.

И святым, глас 4:

Святым, иже суть на земли Его,/ удивил Господь вся хотения Своя в них.

Апостол к Римляном, зачало 81 от полу. И святых апостол ко Евреом, зачало 330.

Аллилуия, глас 1. Стих: Бог даѣй отмщѣние мне, и покоривый люди под мя.

И святых, глас 4: Бóже, ушима нáшима услышахом, и отцы нáша возвестиша нам.

Евангелие воскресное от Матфея, зачало 9, и святых Евангелие от Луки, зачало 67. И по чину Божественная Литургия Иоанна Златоустаго.

Причастен воскресен: Хвалите Гóспода с Небés, хвалите Егó в вы́шних. **И святых:** Благоволит Господь в лю́дех Свои́х и вознесёт крóткия во спасéние.

По заамвонной молитве исходим ко иконе праздника, поюще тропарь святых, глас 8: Якоже плод: Слава, кондак святых, глас 3: Днесь лик святы́х:

И ныне, Богородичен, глас 3:

Богорóдице, христиáном Помóщнице, / Твоé предста́тельство стяжавше, раб́и Твои́, / благодарно Тебé вопиём: / раду́йся, Пречíстая Богорóдице Дéво, / и от всех нас бед Твои́ми моли́твами всегда́ изба́ви, // Еди́на вскóре предста́тельствующая.

Посем чтется молитва на благословение колива и краткая молитва ко всем святым земли Русския. (Аще не совершалось Последование молебнаго пения, чтется по Литургии полная молитва ко всем святым земли Русския, зри стр. 52).

Молитва ко всем святым земли Русския

О всеблаженнии и богомудрии угóдницы Бóжии, пóдвиги свои́ми зéмлю Рýсскую освятíвши и телéса сво́я, я́ко сéмя вéры, в ней оста́вльшии, душа́ми же свои́ми Престо́лу Бóжию предстоящи и непреста́нно о ней моля́щиися! Се ны́не, в день о́бщаго ва́шего торжества́, мы, грéшнии, мéньшии бра́тия ва́ши, дерза́ем приноси́ти вам сие́ хвалéбное пéние. Велича́ем ваша вели́кия пóдвиги, духо́внии во́ини Христо́ви, терпéнием и мýжеством до конца́ врага́ низложíвшии и нас от прéлести и ко́зней егó избавля́ющии. Ублажа́ем ва́ше свято́е житиé, свети́льницы Божéственнии, свéтом вéры и добродéтелей светя́щиися и нáша умы́ и сердца́ богомудренно озаря́ющии. Прославля́ем ва́ша вели́кая чудеса́, цвéти райстии, в странé нáшей сэверней прекра́сне процвётшии и аромáты даровáний и чудес повсю́ду благоуха́ющии. Восхваля́ем ва́шу богоподража́тельную любóвь, предста́телие нáши и покровíteлие, и,

уповающе на помощь вашу, припадаем к вам и вопиём: вси святїи сродницы наши, от лет древних просиявшии и в последние дни подвизавшиися, явленнии и неявленнии, ведомии и неведомии! Помяните нашу немощь и уничижение и молитвами вашими испросите у Христа Бога нашего, да и мы, безбедно преплывше житейскую пучину и невреждимо соблюдше сокровище веры, в пристанище вечнаго спасения достигнем и в блаженных обителях Горняго отечества вкупе с вами и со всеми угодившими Ему от века святыми водворимся благодатию и человеколюбием Спасителя нашего Господа Иисуса Христа, Ему же со Превечным Отцем и со Пресвятым Духом подобает непрестанное словословие и поклонение от всех тварей во веки веков. **Аминь.**

По молитве поем величания Пресвятей Троице, Богородице и святым (зри стр. 17). Поемым величанием сим, бывает целование иконы праздника. Посем: Буди имя Господне: Псалом 33 и прочее Литургии.

На отпусте поминаем: святого равноапостольнаго великаго князя Владимира и всех прочих чудотворцев, в земли Российской просиявших:

Лик: Великаго Господина:

И бывает многолетие: Благоденственное и мирное житие: и присоединяем прошение сие:

Христианскаго благочестия ревнителем и защитником Христовы Церкви и всем православным христианом подаждь, Господи, тишину и благоденствие, и изобилие плодов земных, и многая лета.

Лик: Многая лета: и стихи:

Утверждение на Тя надеющихся, / утверди, Господи, Церковь, / юже стяжал еси // Честною Твоею Кровию.

Под Твою милость прибегаем, / Богородице Дево, / молений наших не презри в скорбех, / но от бед избави нас, // Единая Чистая и Благословенная.

Пресвятая Богородице, спаси нас.

Вси святїи земли Русския, молитѣ Бога о нас.

